

## Lesing 05.09.2018 - Lesing 3 - Diep innerlike waarhede vanuit die Gilgal Klipwiel

Christine op 31 Augustus 2018 23:19 (vervolg)

**JaHshua gaan vêrder:** Om dit vir Julle te verduidelik hoedat die grootste beweging en Rus een en dieselfde ding is, is baie moeilik, omdat Julle aan die vlees gebonde is. Maar baie van julle is al gereed om die vlees bietjie meer en meer te verlaat en die groot werking van MY GEES te voel wat Julle uitdra en omhoog neem sodat Julle meer en meer insig sal ontvang vanuit MY Hemele.

Hier wil EK Julle dinge oordra wat nie met die mond gespreek kan word nie, omdat dit hoogs ontwikkelde Geestetaal is. Dit is **net moontlik vir die hart** om dit te verstaan en daarom moet elke mens met sy eie hart luister en voel en sien. Tas met Jou Hart en Jy sal nooit verkeerd wees nie. Die Lewende plantjie herken die son. So sal Julle harte ook die ware Son herken en die weg volg na die Ewige LIG wat so baie dinge bevat en elke ding korrespondeer met dinge in die siel en raak dit aan sodat Woorde nie meer nodig is nie, maar gevoelens die plek van woorde inneem.

Net hier op aarde is woorde nodig en het EK MY Lewende Woord na die aarde gestuur om Julle mense te bevogtig en te belig sodat Julle, MY plante, kan groei in MY Liefdeslig. Geen groter Liefde het iemand vir Julle as EK nie. Geen Liefde is so groot soos MYNE nie, want alle Liefde kom uit MY uit, selfs die Liefde vir die verkeerde dinge.

Wat EK hiermee bedoel is dat EK die mens wat nik verstaan nie, ook Liefde gun vir iets wat vir hom na aan die hart lê. al is dit iets slegs. want die liefde laat hom lewe, al is dit 'n skynlewe. Maar EK het maniere om elke mens aan te raak en hom te laat besluit om sy verkeerde liefde te ruil vir die ware Liefde en dan is die persoon gered. Maar as EK hom geen liefde gun nie, selfs nie eers vir iets slegs nie, is hy 'n robot en geen mens nie en het hy nikks om te ruil vir die ware Hemelse Liefde nie en die mens is dan nie 'n egte Koningskind nie.

EK het Julle Lief, skapies van MY weide.

Skapies van MY hart, gee vir MY Julle smart,  
skapies van MY weide, **hier onder in die suide**,  
vergeet van die barbaar wat net slegte dinge baar

en skaar jou by HAAR,

Sy laat klop die LIEFDESAAR.

Verloor maar nie jou kop,  
en hou op teen MY prikkels skop  
want hier waarheen EK Jou bring,  
sal Jy vir ewig MY lof besing.

Hier in MY Koninkryk is almal ewe ryk  
want elkeen besit MY en EK sal vir ewig by elkeen van  
Julle bly.  
Amen."

Odes van Salomo 23:5

SY gedagtes was soos 'n **Boekrol**, SY Wil het neergekom van omhoog;

6 En hy (die **Boekrol**) is gestuur soos 'n pyl uit 'n boog,  
wat afgevuur word met krag; [Openbaring 6:2; Psalm 127:4]

7 En vele hande het afgepyl op die **Boekrol** om hom te gryp en hom te neem en hom te lees;

8 En hy het uit hulle vingers ontsnap; en hulle was vol vrees vir hom en vir **die Seël** wat op hom was. [JeshajaH 29:10-12]

9 Want hulle was nie toegelaat om sy Seël te verbreek nie, want die **Krag wat op die Seël was**, was groter as hulle.

10 Maar hulle wat hom gesien het, het **agter die Boekrol aangegaan**, sodat hulle kon weet waar sy bestemming was, en **wie hom sou lees**, en wie hom sou hoor. [JeshajaH 29:18-21; Maleagi 3:16]

11 **Maar 'n wiel het hom ontvang**, en sy het op hom neergedala; (**Die Gilgal Klipwiel!!**)

12 Tesame met hom was 'n **Teken** van Koningskap en van Meesterskappy. (**Melgisedek Orde**)

13 Alles wat voor die wiel beweeg het, het hy **gemaai en afgesny**; [JeshajaH 41:15; Miga 4:13]

14 Hy het 'n menigte van **teëstanders versamel**; en Hy het **riviere bedek**; [Odes 39:1Openbaring 12:15]

15 Hy het oorgegaan en baie volke ontwortel en 'n **breeë Pad** gemaak.

16 Die Hoof (**Trooster**) het neergedala na die Voete (**Bruid**), want sovér as die Voete gaan het die **wiel gerol** saam met hom wat op haar was. [JeségiEl 1:19; JeshajaH 60:14-17]

17 Hy was 'n **Boekrol en 'n Bevel**, want alle plekke is byeengebring.

18 Op sy hoof het **die Hoof** verskyn wat geopenbaar is, **en die Seun van die Waarheid** van die Hoogste El VADER. [JeségiEl 1:26; 2 Ezra 7:26]

19 Hy het **van alles besit geneem** en haar ontvang; en die denke van vele het tot nikks gekom nie. [Mattith-JaHûW 5:17-18]

20 En almal wat op 'n dwaalspoor gelei is, het ontsnap en gevlug en hulle wat vervolg het, is vernietig en uitgewis.

21 Maar die **Boekrol** het 'n groot **Plaat van Herinnering** geword, wat geheel en al geskryf is deur die **Vinger van Elohim**; en die Naam van die **VADER** was op hom, en van die **Seun**, en van die **Gees van Apartheid**, om te regeer vir Ewig tot in Ewigheid. [Maleagi 3:16; Openbaring 14:1; Exodus 28:36-37]

Halalu-JaHH/Prys jul JaHH!